

Հուլիսի 28-ը դատարկված և ուներ 1823 թ. միայն մոտ հինգ տարի առաջ վերաբնակված գյուղացիներ: Կառավարում էր Շեֆի-բեկ Ֆատահ-բեկ-օղլին և մի ժամանակ տուրք էր վճարում Ղարաբաղի Աբուլ-Ֆետ-խանին: Այստեղ միայն Ուստանի ուներ հայ բնակչություն— 28 ընտանիք, մնացած 4 բնակավայրերը թրքաբնակ էին— 118 ընտանիքներով ներկայացված: Մահալի բնակչության ընդհանուր թիվը այսպիսով՝ 146 ընտանիք էր՝ բոլոր հինգ գյուղերում:

Բաղաբյուրտի մահալը ձգվում էր Ողջի գետի ձախ ափով շատ խորն և նախորդ պատերազմական գործողություններից և առհասարակ խառն ու անպահով ժամանակներից հետո՝ գրեթե զրկված էր իր նախկին բնակչությունից: Նրա բնակիչները միայն 1822 թվականի նոյեմբերին էին վերադարձել արտասահմանից Ղարաբաղի Աբուլ-Ֆետ-խանի մոտից և ղեռ որոշակի գյուղեր չէին հաստատել: Նույնիսկ մեծիք Հուսեյն-Ղուլիի (Մելիք-Փարսագանյան Հովհաննեսի) ընտանիքը իր ազգականներով, ռանչարսևերով, ֆոխլաներով, քահանաներով, ապրում էր ձմեռանոցի բնույթ կրող Բաղաբյուրտ բնակավայրում, որտեղ ապրում էր մահալի ամբողջ բնակչության 243 ծխից գրեթե կեսը՝ 104 ընտանիք՝ հայ— 80, թուրք—163 ծուխ:

Փխիանի մահալը և Զանգեզուրի մահալի մի մասը միայն Ողջի՝ (Կապան) գետի ձախ ափով էին մտնում ռուսական պետության սահմանների մեջ: Փխիանը գրավում էր Աճանան և Ողջի (Օխչի) գետերի միջև եղած տարածությունը Կավարտ և Կատար պղնձահանքերով, իսկ Մեղրու-Արեգունու-Չավրնդուրի լեռնաշղթան ձգված էր ավելի հարավ արևելյան ուղղությամբ մինչև Զանգեզուր: Այս շրջանը 1823 թվականին միայն չորս ամիս առաջ Մահմեդ-Հուսեյն-Սուլթանի առաջնորդությամբ Ղարաբաղից հանած գյուղացիներով էր վերաբնակեցրած, բոլոր բնակավայրերը ղեռ ձմեռանոցների նման էին և այդ պատճառով նրանցից 35-ը պետական մասնաժողովի կողմից ցուցակագրված են որպես ձմեռանոցներ⁸, բացի 5-ից, որոնք հիշատակվում են որպես գյուղեր՝ Կավարտ, Կատար, Կարաչիմանլի, Բախտիարլի, Զանգեզուր: Այդ ձմեռանոցներից շատերը, ինչպես և հարևան Բարգուշատի և Բաղաբյուրտի մահալներում, ղեռ նույնիսկ չէին ստացել իրենց վերջնական անուններն ու կոչվում էին ըստ իրենց այս կողմերը տեղափոխող բեկերի անունների՝ Մահմեդ-Հուսեյն-Սուլթանի, Հուսեյն-Ալի, Մուլլա-Նազարի, Իբրահիմ: Մահալի կառավարությունն էլ հանձնված էր ներգաղթողներին բերող սուլթան Մահմեդ-Հուսեյնին: Բնակչության ընդհանուր թիվը ցուցակագրված է 890 ծուխ, սրանցից 10-ը հայ, մնացած 880-ը՝ թուրք:

Այս տվյալները թույլ են տալիս կազմելու № 1 աղյուսակը, որը զաղափար է տալիս 1823 թ. այս գավառում եղած բնակչության թվի, նրա ազգային կազմի, նույնպես և բնակավայրերի տիպերի տեղաբաշխման մասին ըստ մահալների:

Եթե վերլուծելու լինենք այս աղյուսակը, կգանք հետևյալ եզրակացություն՝

⁷ Այս գյուղերից Խոջագանը Բարգուշատ՝ Բաղաբաղ գետի ափին, այժմ գտնվում է Աղբեջանական հանրապետության սահմաններում:

⁸ ЗИМОВНИКИ.